

915426840

EIRIK SMITH

Mobilnummer

970 07 255

E-postadresse

smitheirik@hotmail.com

Kontonummer **** * 53904

Vedtaksdato

15.08.2022

Vedtaket er gjort av

Alver kommune

Søknadsdato

04.03.2022

Vår referanse

2022/2126, Agros 185134

Vedtak om tilskot til spesielle miljøtiltak i jordbruket – Beiterydding i området rundt Jonsokhøyen (3 etappe)

Samandrag: Alver kommune har vedtatt å innvilge opptil 18 300 kroner i tilskot til EIRIK SMITH til Beiterydding i området rundt Jonsokhøyen (3 etappe). Frist for å gjennomføre tiltaket og rapportere er 01.07.2025.

Alver kommune viser til søknad av 04.03.2022.

Bakgrunn i saka

EIRIK SMITH søkte om tilskot til spesielle miljøtiltak i jordbruket 04.03.2022. Du søker om totalt 18 300 kroner i tilskot for tiltak perioden 05.03.2022-31.12.2022. Totalt kostnadsoverslag for tiltaket har du utrekna til 58 400 kroner.

Det er søkt om tilskot til rydding av 12,2 daa beite på 446/56. Av dette er 7,2 daa klassifisert som innmarksbeite og 5 daa står oppgitt som skrin fastmark i gardskart. Arealet som skal ryddast har til dels vore ute av drift i fleire tiår før det vart kjøpt av søkar i 2015, og er sær overgrodd av spesielt einer, men og av andre tre. Dette prosjektet er tredje etappe av eit større prosjektet med beiterydding i området rundt Jonsokhøyen. Garden er i aktiv drift med storfe og geit. Området er i bruk som beite til storfe og geit i dag og skal framleis nyttast til beite etter at det er rydda.

Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskriften) § 1.

Ein kan innvilge tilskot til føretak som oppfyller vilkåra i forskrift av 19. desember 2014 nr. 1817 om produksjonstilskot og avløysartilskot i jordbruket § 2 og § 3 eller § 4.

Tilskot kan også gis til eigar av landbrukseigedom dersom det går føre seg ein produksjon på landbrukseigedom som oppfyller vilkåra for tilskot etter forskrifta som nemnt over. Om du sjølv ikkje eig landbrukseigedom skal tiltaket gjennomførast på, må det ligge føre løyve frå eigar til gjennomføring av prosjekt eller tiltak som nemnt i SMIL-forskrifta § 4 og § 5.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal

også først journal over korleis plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Søknaden er vurdert etter prinsippa i naturmangfaldlova §§8-12, jf. §7. Administrasjonen har gjennomgått artskart og naturbase, og etter ei samla vurdering komme fram til at det omsøkte tiltaket ikkje er i strid med prinsippa i §§8-12 i naturmangfaldlova. Administrasjonen meiner at tiltaket er i tråd med SMIL-ordninga sitt formål jf. Forskrift om spesielle miljøtiltak i landbruket §1. Rydding av innmarksbeite er prioritert etter gjeldande SMIL-strategi for Alver kommune.

Gamle flyfoto og Økonomisk kartverk syner at heile området som det er søkt om å rydde tidlegare har vore eit ope landskap prega av beiting. Området på 5 daa som ikkje er registrert som innmarksbeite i kartet ligg innanfor steingarden som truleg har markert skillet mellom innmark og utmark, og dette er etter kommunen sitt syn ein naturleg del av beiteområdet. Den gamle bygdevegen over Radøy går like over eigeidommen. Denne vegstrekninga frå Urlekleiva på Manger til Skjenet på Hella er nemt som kulturminne i verneklasse A i kulturminneplan for Radøy og er lagt ut med omsynssone 570 Bevaring kulturmiljø i kommuneplanen. Store deler av denne strekninga er godt bevart og vegen er mykje brukt som tursti. I området står og ein gammal steingard som det er rydda vegetasjon rundt i eit tidlegare SMIL-prosjekt. Administrasjonen meiner at heile det omsøkte arealet går inn under definisjonen av gammal kulturmark.

Fjerning av einer og tre vil auke kvaliteten på beitet, betre tilstanden til gamlevegen som kulturminne og betre tilgangen til jordbrukslandskapet for ålmenta. Det er viktig at ryddinga av dette arealet kjem i gang før attgroinga aukar på og det vert endå meir arbeidskrevande å ta tilbake det gamle kulturlandskapet. På bakgrunn av alt som er nemt over er denne saka høgt prioritert for tildeling av SMIL-midlar i gjeldande søknadsrunde.

Vedtak

Alver kommune har vedtatt å løyve inntil kr 18 300 til rydding av 12,2 daa beiteareal på GBNR 446 /56 som vist i kart som ligg ved søknaden. Kommunen nyttar standard sats på maksimal godkjent kostnad til beiterydding på 3000 kr/ daa.

| Tiltak | Kostnad |
|--------------------------------------|----------------|
| Beiterydding 12,2 daa * 3000 kr/ daa | 36 600 kr |
| Tilskot 50% av kostnad | 18 300 kr |

Alver kommune har vedtatt å innvilge opptil 18 300 kroner i tilskot.

Vilkår for tilskotet

Frist for å gjennomføre tiltaket og rapportere er 01.07.2025. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og bygningslova, kulturminnelova, naturmangfaldlova, vassressurslova eller forureiningsforskrifta. Du må sjølv skaffe deg slikt løyve dersom det trengs, og dette må du gjere før du går i gang med tiltaket du no har fått tilskot til.

- Det kan søkjast om utsetjing av arbeidsfrist i inntil to år ut frå skriftleg grunngjeving, seinast ein måned før oppsett frist går ut.
- Området skal nyttast til beite i minimum 10 år frå løyving
- Det skal leggjast til rette for ferdsel langs gamlevegen
- Løyvd tilskot kan trekkjast attende heilt eller delvis dersom det oppstår tilhøve som er i strid med føresetnadane for ordninga jfr § 10 i forskrifta om spesielle miljøtiltak i jordbruket.

Rapportering og utbetaling

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet. Du skal rapportere om måloppnåing og bruken av tilskottet slik rapporteringsskjemaet angir.

Sluttrapport skal innehalda:

- Utfylt rapporteringsskjema for eingongstiltak/investeringstiltak, inkludert rekneskap.
- Timeliste som dokumenterer eige arbeid
- Bilag på innkjøpt materiell
- Foto av utført tiltak

Alver kommune betaler ut det innvilga tilskottet etter at du skriftleg har bedt om det, og når vi har godkjent rapport og sluttrekneskapen for prosjektet eller tiltaket. Du kan be om utbetaling digitalt via Altinn.

For eitt-årige eller mindre prosjekt skal utbetalinga som hovudregel skje etter at prosjektet er avslutta. For fleirårige tilskott kan det vere aktuelt å betale ut delar undervegs i prosjektperioden. Delar av tilskottet kan utbetalast etter kvart som du godtgjer framdrift i gjennomføring av tiltaket og vi har godkjend rapporteringa. Minst 25 prosent av tilskottet blir halde attende til tiltaket er fullført og sluttrapporteringa er godkjend.

Landbruksdirektoratet sitt rapporteringsskjema for eingongstiltak/investeringstiltak skal fyllast ut og leggst ved når du ber om del- og sluttutbetaling. [Bruk denne malen](#)

Godkjent kostnadsoverslag for tiltaket er 36 600 kroner. Utbetalt tilskott kan ikkje overstige 50 % av godkjende kostnader for å utføre tiltaket. Dersom kostnaden for å utføre tiltaket er lågare enn godkjent kostnadsoverslag kan tilskottsbeløpet bli justert ned.

Kontroll

Kommunen, statsforvaltaren og Landbruksdirektoratet kan gjere kontroll etter SMIL-forskrifta § 9.

Omgjering, tilbakebetaling og motrekning

Vedtaket om innvilga tilskott kan bli gjort om og utbetalt tilskott kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresett ved innvilging av tilskottet.

Klagerett

Du kan klage på dette vedtaket til Statsforvalteren i Vestland. Send klaga til Alver kommune. Vi vil sende saka vidare til Statsforvalteren i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing
for Alver kommune

Saksbehandla av: Marie Victoria Rekdal Skogrand

Godkjend av: Laila Bjørge